

起生汝等眾生各各諦聽吾當為汝說偈誦

曰
鄴都夜臺 忽以光輝 照出幽寇
來銜香糜 靈符火鍊 百骸自飛
得見法會 仙岐知歸

又誦曰
萬劫難遇 功緣可崇 開闢幽趣

全假真風 梯航彼岸 濟患無窮
念念生因 駕景飛空

是時眾等聞說偈言咸皆解脫各各稽首奉
辭而退

太上救苦天尊說消愆滅罪經

第六
三

太上說鄴都拔苦愈樂妙經

爾時拔苦愈樂天尊在鄴都上境東極宮中
放五色圓光照十方世界鄴都三萬八千嶽
二萬七千幽牢之中見無量受苦眾生往來
刀山之上萬轉千迴悶絕哀哭俱入鑊炭鐵
湯之中展轉輪迴不捨晝夜萬生萬死無有
休息是故

天尊慈惠哀愍眾生為汝演說鄴都普濟妙
經普度受罪窮竟獲生未陵上登仙境仙化
成人願刀山成寶座劍樹化審林六道與三
塗火化皆消散無邊諸大罪普悉化為塵塵
劫河沙界皇恩得救除回心歸正道縹紗上
紫微

太上說鄴都拔苦愈樂妙經

洞玄靈寶道要經

道言大道幽虛寂寥無名孝出於無乘元受
生生形法孝無名曰道處於無上玄應無下
名行高遠利益弘大神通無礙不終不始故
名孝道有形之類非道不生非孝不成故大
道生元氣元氣生太極太極生天地天地生
萬物萬物之類人居其長萬靈之中大道最
尊仁孝尊道故名孝道道為萬物父亦名萬
物母又曰道生一一生二二生三三生萬物
萬物得道則昌失道則亡精微柔弱忍辱慈
孝進修中道心無懈倦以孝自牧上報元恩
玄父玄母二親大恩二親大恩故名行孝行
孝道也心出於虛道入於無虛無相感不動
而應應則道成成孝道也故虛心以待物物
亦虛心以待之彼此相待然後神交先通其
神後通其身身神俱通則孝道成矣出有人
無分形百億無所不天在天為天靈在地為
地秋天靈地秋二景之根精也是夕輪照養
育舍生在東主九夷在南主八蠻在西主六
戎在北主五狄在中主三秦雖遠邦雜類之

種水陸行藏之族悉皆賴道而得受生母以
 慈養子以孝生生成之日定有反哺蟲鳥之
 心猶知報恩五逆之人不如禽獸不行孝道
 背叛元恩是名凶人非君子也不名道士是
 真罪鬼凡百人倫不行孝道見善不從聞道
 不信道猶慈恩元元不捨方便示現種種神
 變與其幽驗不能用之是名靈尸靈敗之尸
 亦如妬媿守尸之精住其身中爾時高明真
 王而作頌曰
 勿言孝不真 勿言道不神 行孝光天下
 明然照爾心 心迷暗不悟 躊躇失生路
 吉會考驗名 無功終不度 天堂寂不歡
 地獄多寒泣 語汝儀堂子 勤建仙真步
 莫學蠢死羣 反身蟻蟻聚 一墮浮遊鬼
 萬劫忘生路 湯炭罪未窮 茫茫守丘墓
 爾時真王作此頌已僂而彈指聲聞十八湯
 炭地獄六宮罪門又作苦頌曰
 天堂永不閉 地獄未曾開 受苦無休息
 罪鬼合羣來 渴則飲鐵湯 飢則食熱灰
 由何失孝道 財色受殃媒 強壯不行道

臨終始欲迴 聞孝翻譁笑 湯火長悲哀
 於是真王作此頌已放心孝光洞朗天下光
 變成燈照耀十八大地積夜之獄真王慈氣
 化成仙雲五色徧覆十方無極世界是諸罪
 鬼一時放散洗沐玄津升於鳳階禮悔首過
 歡喜慶奉而作歌曰
 六宮除罪目 九幽無對鬼 天燈朗晴室
 稽首禮玄門 三官不受事 長歸帝一尊
 爾時罪鬼作此歌已未得受生復歸丘墓夕
 夕通夢語其子孫曰欲得存亡如願急然九
 幽神香建立精舍盛施牀座精心行道慈救
 萬物香燈願念報二親恩報大道恩轉誦經
 教助國扶命救濟孤危療治疾疫守一立功
 勸人作善是時凡人感通此夢中驚悟各
 見庭中天燈照明光芒射心皆悉冥悟行孝
 奉道一十八年得六通果是其先亡南宮受
 化皆生福地見通闕法並登仙位
 道言道德弘大孝編幽明罪鬼家赦而行道
 子孫冥悟而行孝奉吾道者先當行孝而後
 行道故名孝道往昔有人先行道而後行孝

道無生滅人有始終行道行未成欲孝而
 親不待為不待故則有伏裏之慟傷和損氣
 不名益易年過四十衰相表現守一遂廢心
 喪不終及年六十伏尸塚間積經三年形神
 不散靈禽翼覆猛獸衛護以七月七日立秋
 之節太一天尊俯而懸之後至秋分遣一仙
 使齋持瓊丹下而救之入口便活猶如睡覺
 西官八王給其醜輪上升天府號曰孝仙于
 今壽九萬大劫形如金玉氣色似雲出死人
 生長存無窮孝仙初始備嬰塗炭風霜不致
 飢渴無變道貴丹成高南其志懷貞抱節然
 後獲果坐命雲車飛浮上界于今行孝憶想
 二親元元大恩使我成道不可思議往昔劫
 中有一人先行至孝二親俱壽一百三十七
 歲于年已登一百五歲善明方藥常餌丹光
 父母并子筋力不衰於是孝子被服絲衣又
 善音樂一日二時歌舞作樂是時父母一旦
 終亡如人睡即身不痛惱心志不亂孝子結
 塋舉殯二親鳥獸雲集助其銜土積經三年
 墳高百尺於是孝子結廬九載行孝修道天

下神燭以明其心香官煢嬰以為通信天地
父母感其精志賜其文黎升入西宮錫號全
先孝子明至真童老而成道于今反嬰雖得
道真不忘孝道况於凡夫忘恩背義仁德不
行與尸何別反逆天地就淫嗜酒貪財無義
利己害物生啖魚肉膏血誇口通體腥腥信
用邪魅或為利出家詐云奉道毀損功德竊
取法財貿易酒色不知厭足臨死求哀罪目
已定生神不居志意悶亂氣冷色變徒有悔
心道不原赦冤冤離散處處受苦肉食螻蟻
骨肉和土五內康爛無復人形語汝來生欲
奉孝道勤誦經誦誦觀身心斷諸貪著既斷
貪著即無煩惱煩惱因緣因貪慾生若斷貪
慾生死攀緣永絕無餘身心快樂道心弘廣
七祖介福何但一身而成道耶孝道神力譬
如天地天地所生無種所有唯有二親不可
假作應當行孝以報大恩應當修道齋戒披
度燒香然燈以濟苦厄七祖在難希皇子姪
請道神力冀得解脫如人囚禁枷鎖繫縛望
逢恩赦蕩除罪咎快樂自在心無憂慮冥陽

罪目大同小異有罪違教不如無罪有罪雖
免其目猶在既失一行終身無言故生不可
失道不可忘忘道失生是名罪鬼不名人也
忘道失生隨境而舍展轉無窮如沉大海不
識邊際思歸舊島風浪所漂未來來路失生
道者亦復如是及其強健難事已辦何不行
孝修無上道永斷生死煩惱因緣
道言聞吾道者為賢人行吾道者為真人爾
時仙王而作頌曰
欲知孝道隆 滿堂皆女僮 窈窕西宮室
承運補王公 此時吾道行 天燈處處明
神香迴朗識 山野慶雲生 敵國罷調戰
四海不交兵 能修孝道誠 斯須見太平
道言不傳人人須修道道本自然不傳人
道人非自然故應精進修自然道三萬六千
道要要以孝道為宗未有不慈不孝及違父
母殺害君主而得成道不忠不孝名十惡人
生犯王法死入地獄生死受考無有出期得
鹹鬼道
道言至孝修道修孝道也道在至孝不孝非

道也何以故孝能慈悲孝能忍辱孝能精進
孝能勤苦孝能堅正孝能降伏一切魔事財
色酒肉名聞榮位傾奪爭競交兵殺害至孝
之士泯然無心守一不動一切魔事自然消
伏孝堅金關閉捷死道是諸魔奸淫梁斷絕
內外寂靜專行孝道內無交兵外無伏賊孝
道無形不可取相孝道弘大不可捨相取捨
無相真應動用如無盡藏無盡藏故無取無
捨有取有捨則有窮有窮則非道息則非
孝不窮不息是名孝道孝如嗷嗷氣不可停
停氣則身滅停孝則道滅喘息繼念行住憶
想故念念在心不可放捨放捨則道敗故不
可捨也
道言來生男女欲求孝道莫為利求莫為色
求利生癡貪癡貪非道色生嫉妬一切苦緣
因色滋長嫉妬非德苦緣非道色心求道
不可得道非祭祀不可以酒肉求道本清潔
不可以穢慢求孝道無心不可以智慧求大
道無形不可以色相求夫求道者應以無得
心求亦不前心求亦不後心求應以不起不

滅心求應以秘密心求應以廣大心求應以質直心求應以忍辱精進心求應以寂靜柔弱心求應以慈悲至孝心求略舉道要以類推之久自明矣
爾時真王為諸來生略說道要流通供養有得之者晨夕誦念精修其事心得成道不可思議

洞玄靈寶道要經

四經同卷
洞玄靈寶飛仙上品妙經
太上靈寶天尊說延壽妙經
太上七星神呪經
太上虛皇保生神呪經
洞玄靈寶飛仙上品妙經
道言飛仙經者出於太原之山玄妙宮中真人空虛法師與十方太上五嶽仙人九天玉女七十萬人之眾來在玄都玉京紫玉臺之上說三昧無量神呪大經化於天下當爾之時諸天仙眾三十二萬人來稽首請問
天尊曰我等弟子愚心六極不解開閉昔蒙先師垂眷賜授黃赤紫符三洞真秘行道救人不自中替今世淺薄淳逸人多不信道法三洞之化其愚人皆信邪倒見當入九幽長夜之府無有出期愚人不信無復奈何大劫運至天地將壞不久水來蕩除九億萬眾人民崩散與泥同流如水歸海何可以為化天尊大慈之心不審如此傳頑之人何以救之當有異法可得聞不

天尊曰汝所問善惡無量之道今有仙人之術子但諦聽當次受汝
道言閻浮之國化而不信欲求升仙先求受錄黃赤紫符開導之源後得三師過度分了得真人無量三十六部經契三天大明以受神呪殺鬼生人道士治病救濟百姓當受此經大無之眾盤獻九天兵符召錄百鬼雲雷大符九天捍厄太一真契得仙之本也道士以受此內外法錄便成仙人得道之次當如法行道功滿三千白日升天庚申甲子本命日六齋十直亦當燒香行道消災殺禍安宅求福一二行之不得自隱而行之考及子孫七祖父母當受長夜九幽不但自身即令下賤貧窮口舌官事日日虛使吏兵從其身子欲求道在子心也
一心奉道亦得飛仙 助人作齋亦得飛仙
當路作井亦得飛仙 教人作善亦得飛仙
供養道士亦得飛仙 救拔法門亦得飛仙
敬重老少亦得飛仙 月月建齋亦得飛仙
齋滿三七亦得飛仙 不食供師亦得飛仙